

бўлиши шарт. Сўғурта шартномаси уни бекор қилиш ҳақидаги келишув битими имзоланган кундан кейинги кунда бекор бўлган ҳисобланади.

6.2. Мазкур сўғурта шартномаси Сўғурталовчи айби сабабли бекор қилиниши талаб қилинган тақдирда, тўланган сўғурта мукофоти Сўғурта қилдирувчига тўлиқ қайтарилади.

6.3. Ушбу Шартноманинг 6.2. бандида кўрсатилган ваздан бошқа сабаб билан Шартнома Сўғурта қилдирувчи / Наф олувчи талабига кўра бекор қилинганда, сўғурта мукофоти, ундан Сўғурталовчининг 25% миқдоридаги сарф-харажатлари чегирилиб, қолган суммани сўғурта муддатининг ўтмаган даврига мутаносиб равишда қайта ҳисоблаб қайтарилади.

Агарда мазкур Сўғурта шартномаси амалда бўлиш даврида муқаддам сўғурта товони тўланган бўлса ёки бундай тўлов амалга оширилиши лозим бўлса, бундай вазиятда тўланган сўғурта мукофоти қайтарилмайди.

6.4. Мазкур сўғурта шартномаси Сўғурта қилдирувчи айби сабабли бекор қилиниши талаб қилинган тақдирда, тўланган сўғурта мукофоти Сўғурта қилдирувчига қайтарилмайди.

6.5. Ушбу Шартнома қуйидаги ҳолатларда тугатилади:

а) Амал қилиши муддати тугаганда;

б) Сўғурталовчи Сўғурта қилдирувчи/Наф олувчи/Ҳайдовчи олдидаги ўз мажбуриятларни тўлиқ ҳажмда бажарганда;

г) Ўзбекистон Республикасининг амалдаги қонун ҳужжатларида келтирилган бошқа ҳолатларда.

7-БЎЛИМ. ТОМОНЛАРНИНГ ҲУҚУҚ ВА МАЖБУРИЯТЛАРИ

7.1. Сўғурталовчининг ҳуқуқлари:

7.1.1. ушбу Сўғурта шартномаси амал қилиши даврида ўз ҳисобидан сўғурта қалтислиги даражасининг ўзгаришини аниқлаш мақсадида сўғурта объектини мустақил текширувини ўтказиши;

7.1.2. Сўғурта шартномасини тузаётганда ва Сўғурта шартномаси амалда бўлган даврда сўғурта қалтислигини баҳолаши;

7.1.3. етказилган зарарнинг миқдорини аниқлаш мақсадида тергов ўтказиши;

7.1.4. аварияни техник текшируви материаллари, зарар етказилганлиги юзасидан мутасадди идоралардан берилган ахборот ва ҳужжатлар, тиббий хулосалар, йўқолган (шикастланган) мол-мулкнинг қиймати ҳақида хулоса қилишга имкон берувчи ҳисоблар, амалга оширилган ишлар қиймати, шунингдек бошқа зарур ҳужжатларни сўраши ва олиши;

7.1.5. Сўғурта қилдирувчи тақдим этган ахборотни текшириши, Сўғурта қилдирувчи ушбу Сўғурта шартномаси талаблари ва шартларини бажаришини назоратини юритиши;

7.1.6. Сўғурта қилдирувчидан саноат хавфсизлиги талабларига риоя этилишини талаб қилиши;

7.1.7. зарарни камайтириш учун ўзи зарур деб билган чораларни кўриши, Сўғурта қилдирувчининг ёзма топшириғига биноан унинг ҳуқуқларини ҳимоя қилиши ва зарарни тартибга солиш ишларини юритиши;

7.1.8. сўғурта товони тўловини рад этиши, агар:

а) Сўғурта қилдирувчига сўғурта ҳодисаси содир бўлганлиги ҳақида маълум бўлгандан кейин ушбу Сўғурта шартномасида кўрсатилган муддат ва услубда у содир бўлганлиги ҳақида хабар бермаса, агар Сўғурталовчи бу ҳақда ўз вақтида билганлиги ёки Сўғурталовчида бу маълумотлар мавжуд бўлмаганлиги унинг сўғурта товони тўлаш мажбуриятига таъсир этмаслиги исботланмаса;

б) ушбу Сўғурта шартномаси амал қилган муддатда Сўғурта қилдирувчи Сўғурталовчига ушбу Сўғурта шартномаси тузилаётганда хабар қилган тавсилотлар ўзгарганлиги ҳақида, агар бу ўзгаришлар сўғурта қалтислигини ошишига аҳамиятли даражада таъсир этган бўлса, хабар қилмаса;

в) Сўғурта қилдирувчи ХИЧ объектида авария бўлишини олдини олиш, авария содир бўлганда бошқа шахсларга етказилаётган зарарни камайтириш бўйича зарур ва имкони мавжуд чораларни кўрмаса;

г) Сўғурта қилдирувчи (Наф олувчи) Сўғурталовчи қоплаган зарарлар учун жавобгар шахсдан талаб қилиш ҳуқуқидан воз кечса ёки Сўғурта қилдирувчи (Наф олувчи) айби билан ушбу ҳуқуқни амалга оширишнинг имкони бўлмай қолса. Бунда Сўғурталовчи ортиқча тўланган товон миқдорини қайтарилишини талаб қилишга ҳақли.

д) Сўғурта қилдирувчи етказилган зарарнинг тавсилоти, тавсифи ва миқдорини аниқлашда Сўғурталовчи иштирок этишига қаршилиқ қилса;

е) Сўғурта қилдирувчи сўғурта ҳодисаси содир бўлиши факти ва зарар миқдорини аниқлаш учун зарур бўлган ҳужжатлар/маълумотлар/ахборотларни тақдим этмаса;

ж) Сўғурта қилдирувчининг жавобгарлиги Сўғурта қилдирувчининг ва/ёки унинг вакилининг/ходимининг/хизматчисининг ва/ёки Сўғурта қилдирувчининг бошқа алоқадор шахсининг (пудратчиси, мол етказиб берувчиси ва ш.к.) кўпол эҳтиёткорсизлиги натижасида юзага келса.

з) Сўғурталовчи шунингдек Сўғурта қилдирувчи ва/ёки унинг вакиллари ушбу Сўғурта шартномаси бўйича ўз зиммаларига қабул қилган мажбуриятларни бажармаганда ёки лозим даражада бажармаганда сўғурта